

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

EKONOMIA SUSTATZEKO PLANAREN DIRU LAGUNTZEN INGURUKO KONTROL MOZIOA

Josu Mirena Ruiz Martinek, EH BILDU udal taldeko zinegotziak, Udalbatzaren Araudi Organikoaren 98. artikulua ematen dion aukera baliatuz, Ekonomia Sustatzeko Planari buruzko MOZIO hau aurkezten du, Osoko Bilkuran azter dadin. Mozio hau Pertsonen Batzordean 2017ko martxoaren 20ko bilkuran egindako interpelazioaren ondorioa da.

JUSTIFIKAZIOA

Aurreko agintaldian Udal Gobernuak Ekonomia Sustatzeko Planak abian jarri zituen. Haien aurrekontua beti hazi zen urtez urte: 2012an 4,3M; 2013an, 6,9M; 2014an, 7,3M eta 2015ean, 8,3M. Argi dagoenez, Udal Gobernuaren lehentasunetako bat zen hura. Donostiako Sustapenak, alde batetik, hiriaren ezagutza ekonomikoa hobetu du eta, bestetik, izugarriko sare bat lantzeko aukera izan du: instituzioak, unibertsitateak, zentro-teknologikoak, auzo elkarteak, ostalaritza, enpresak, merkataritza eta abar. Guztira, 80 eragile baino gehiagok parte hartu dute.

Erabilitako leloek helburuak nabarmentzen zituzten: "Gehien behar duenarentzat. Gehien behar den lekuan"- "Ekonomia Sustatzeko 2015eko Plana, Kalitatearen eta Berrikuntzaren alde apustu eginez. Enpleguan ere, Kalitateko Donostia baten alde".

2016ko plana onartu zenean, Gipuzkoako Foru Aldundiaren diru laguntza,

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

aurrekontuan, 125.000 eurokoa zen, eta urtean zehar handituko zela esan zigun Udal Gobernuak. Gogorarazi behar da 2015ean, Bildu foru gubernuan zegoela, Donostiako Udalaren ekonomia sustatzeko planak 589.716 euro jaso zituela Ekonomia Sustatzeko Departamentutik.

Iazko azaroko batzordean, zinegotzi-ordezkariek, Ernesto Gasco jaunak, argitu zigun, hala ere, Foru Aldundiaren 2016ko diru-laguntza hura (125.000 euro) ez zetorrela Ekonomia Sustatzeko Departamentutik, baizik eta Mugikortasun eta Lurralde Antolaketa Departamentutik eta Altzan 2016-17an *Smart* kale bat egitea zuela helburu. Eta hain zuzen ere, gerora jakin dugunez, Gipuzkoako Foru Aldundiaren Ekonomia Sustatzeko Departamenduak, 2016an, 0 euro bideratu du Donostian ekonomia sustatzeko. 2017ari dagokionez, Ernesto Gascok eskaera luzatuko zuela esan zuen egun hartan, baina oraingoz ez zegoela erantzunik.

Alkate jauna: erantzuna iritsi da. Gipuzkoako Foru Aldundiak 27.000 euroko ekarpena egingo dio aurten sustatzeko planari. Hau da, Ekonomia Sustatzeko Departamenduak, Bilduren gobernuaren azken urtean, 589.716 euroko diru-laguntza eman zuen. Iaz, bat ere ez. Eta aurten, 27.000 euro. Alegia, EAJk departamentu hau hartu zuenetik Foru Aldundian, 20 aldiz diru gutxiago bideratu dio Donostiari, bi urtean, Bilduk urtebetean baino.

Instituzioen arteko akordioaz hainbeste hitz egiten den garai honetan; diputatu nagusiak, bere hitzetan, suspertze ekonomikoari lehentasun osoa ematen dionean; helburu hau lortzeko “konjuratu” omen denean... Esanak eta ekintzak bat ez datozela begien bistakoa da; Foru Aldundia propaganda hutsa egiten ari da.

Martxoko batzordean alkateak onartu zuen kezkatuta zegoela. Eta argi dago Foru Aldundiko Ekonomia Sustatzeko Departamentuak, EAJren esku dagoenak, Donostiari 2016an 0 euro eta 2017an 27.000 euroko ekarpena egiteak eragin diola kezka hori. Arazoa da, ordea, alkateak bi urte izan dituela kezka hori adierazteko, baina udal talde honek interpelazioa aurkeztu arte ez duela txintik ere esan; eta are larriago, orain arte, bi urteotan, alkateak ez duela ezer ere egin egoera hau zuzentzeko. Orain esan digunez, alkateak Foru Aldundiarekin hitzarmen bat sinatzeko asmoa du. Asmo hutsa, oraingoz.

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

Honelako gai garrantzitsu batean, alkatearen konpromiso, ekimen eta zehaztasun falta ikusita -non etorkizuneko asmoei buruzko xehetasunik ere ez dugun-, hauxe da behean sinatzen duen zinegotziak aurkeztutako

KONTROL MOZIOA

1-Donostiako Udalbatzak alkateari eskatzen dio behingoz hel diezaiela, lehentasun osoz, Gipuzkoako Foru Aldundiaren Ekonomia Sustatzeko Departamentuak Donostiari emandako diru-laguntzei eta bi hilabeteko epean akordioa lor dezala erakunde honekin, benetako ekarpena lortzeko eta ekonomia sustatzeko plana eraginkorragoa izan dadin.

Donostia, 2017ko martxoak 24



Josu Mirena Ruiz Martin

EH Bildu udal taldeko zinegotzia